

# Tips per far midada

## Tut per in nov start cun success

Quests tips per far midada gidan gia oz. Sche Vus ans communitgais uschè prest sco pussaivel Voss plans e Vossas dumondas avertas, pudais Vus spargnar temp custaivel e surtut gnerva.

### Pachetar

- Empustai avunda material d'emballadi.
- Pachetai gia baud ils objects dispensabels sco cudeschs, cuvertas da maisa, rauba da letg, plattas da grammofon, DCs, artigels da stagiun, magasin da vin, euv. ed etichetai las stgatlats.
- Marcai ils chartuns pachetads tenor las localitads da la nova abitaziun. Utilisai etichettas da colur per quest intent (mintgamai ina colur per localitad).
- Betg surchargiar las chaschas da far midada. Ina persuna duess pudair purtar facilmain in chartun.
- Pachetai spezialmain bain objects rumpaivels e liquids ed etichetai quai vesaivlamain.
- Pachetai vestgadira en boxas spezialas per vestgadira cun indrizs da pender si. Uschia na stuais Vus betg far ora cun il fier Vossa gardaroba suenter la midada.
- Betg duvrar gasettas u revistas per pachetar; questas laschan dar la colur.
- Protegi apparats da cuschina ed objects delicats supplementarmain cun folia pulstrada cun aria.
- Pachetai e transportai separadamain e persunalmain objects da valur e documents.
- Svidai sche pussaivel cumplettamain las chaschuttas u las empleni cun objects ligers (plimatschs, laschiva, euv.).

Adatg: betg serrar cun clav las portas da stgaffas e las chaschuttas. Duvrai bindel da tatgar per mobiglia u bloccai las chaschuttas cun chartun. Prendi davent las clav e las mettai en satgs da plastic etichettads.

- Cur che Vus demontais mobiglia, mettai colliaziuns da metal, struvas e parts en satgs da plastic etichettads correspondentamain.
- Evitai satgs da plastic e sumegliantas chaussas sco material da pachetar.

### **Las ultimas preparativas**

- Infurmai Voss vischins ed eventualmain il pedel davart il di da far midada.
- Svidai e sdregliai la frestgera.
- Sfradentai sin il maximum il cuntegn da la glatschera durant las davosas 24 uras cun la tasta da schelentar spert. Il di da far midada vain chargià l'apparat sco ultim. Dal reminent: frestgeras e glatscheras duain vegnir colliadas da nov pir suenter in temp da ruaus da ca. 2 uras.
- Depositai per tut las eventualitads ina clav da reserva da l'abitaziun veglia tar in vischin.

### **Il grond di**

- Tegnai liber in parcadi per il camiun da midada (orientar ordavant il post da polizia responsabel) e tut las vias d'access / ascensurs.
- Mussai al manader da la midada l'entira abitaziun.
- L'infurmai davart Voss plan d'abitaziun e nua che la mobiglia è da plazzar.
- Infurmai en mintga cas davart objects spezialmain delicats.
- Exprimi giavischs spezials.
- As schluccai e surlaschai la chargia pesanta als spezialists!

### **Allontanar**

- Sin giavisch allontanain nus per Vus objects vegls e material d'emballadi.

### **Nettegiar l'abitaziun incl. la garanzia da consegna**

- Sche Vus giavischais, surpigliain nus en funcziun d'interprendider general ed en collavuraziun cun ina interpresa spezialisada la nettegiada da l'abitaziun, inclusivamain la garanzia da consegna.

### **Avisar la partenza / annunziar**

#### Telefon da rait fixa

- Ils formulars per avisar la partenza u per midar enturn Voss telefon da rait fixa chattais Vus en il cudesch da telefon u online. Per regla pudais Vus prender cun Vus Voss numer da telefon da fin ussa (vala per la Svizra).
- Controllai Vossa nova colliaziun avant che far midada.

### Radio/televisiun

- Verifitgai che Vossa concessiun da radio / da televisiun vegnia transferida sin la nova adressa. Ulteriuras infurmaziuns chattais Vus sin [billag.ch](http://billag.ch).

### Posta

- Empleni in formular per trametter suenter la posta (1 onn) al spurtegl da posta en Vossa vischinanza.
- Desdi Vossa chascha postala (sche Vus avais ina) ed avri ina nova al nov lieu da domicil (sche quai fa basegn).

### Controlla d'abitants

- Sche Vus faschais midada entaifer il medem lieu, stuais Vus annunziar quai a l'uffizi d'abitants da Vossa vischnanca u citad.
- Sche Vus giais a star en in auter chantun, stuais Vus annunziar quai er a l'uffizi d'abitants da Vossa nova vischnanca u citad e prender cun Vus la quittance da las scrittiras deponidas.

### Document dal vehichel / permiss dad ir cun auto

- Tramettai Voss document dal vehichel ed il permiss dad ir cun auto entaifer 14 dis a l'uffizi per il traffic sin via, inditgond Vossa nova adressa u giai directamain tar l'uffizi per il traffic sin via cun l'annunzia da la nova vischnanca da domicil.
- Sche Vus giais a star en in auter chantun, aggiuntai plinavant ina copia da Vossa quittance da las scrittiras deponidas ed ina nova fotografia da passaport.

### Cudeschet da servetsch militar / cudeschet da protecziun civila

- Tramettai Voss cudeschet da servetsch militar / cudeschet da protecziun civila l'imprim al schef da secziun da fin uss e suenter la midada al nov schef da secziun.

### **Midar l'adressa**

- Abunaments da gasettas e revistas
- Abunaments da service
- Scolas, secretariats da curs, societads, clubs
- Cassa(s) da malsauns
- Medi da chasa, medi d'uffants, dentist, veterinari
- Bancas



- Assicuranzas, surtut assicuranza da mobigliar
- Servetschs da furniziun a chasa (pasterner, victualias, furnitur da bavrondas, euv.)
- Cassa da cumpensaziun AVS (vala per pensiunads e per persunas cun activitad da gudogn independenta)
- Patrun da lavur (indicaziun: per onn da chalender stat a libra disposiziun in di per far midada)